

陸
堂
易
學

陸堂易學第七卷

平湖

坡星

郭杜

恕堂校

周易繫辭上傳

本義繫辭本謂文王周公所作之辭繫於卦爻之下者即今經文此篇乃孔子所述繫辭之傳

也以其通論一經之大體凡例故无經可附而自分上下云
（雙湖胡氏曰繫辭上下傳則是孔子統論一經之卦爻人體凡
辭言也若繫辭上下傳則是孔子統論一經之卦爻人體凡
例如論先聖作易之由則見於包犧氏仰觀俯察及易有太
極數章如論用易之法則見於大衍之數五十章與夫卦爻
之剛柔象數之變化三極之道幽明之故鬼神之情狀皆搜
抉无隱若徒有上下經而无繫辭傳則象數之學不明理義
之微莫顯易亦竟无以致用於萬世而適乎仁義中正之歸
矣其有稱大傳者因太史公引天下同歸而殊塗一致而百
慮爲易大傳蓋太史公受易楊何何之屬自著易傳行世故
稱孔子者曰大傳以別之耳愚謂程子云繫傳之文後人決
學不得其說是也歐公疑非孔子作輕於立論如天一地二
等章疑非原文則可耳又如釋中孚九二爻同人
九五爻之類疑亦在文言傳中而漢儒訛其篇次

天尊地卑乾坤定矣卑高以陳貴賤位矣動靜有常剛柔斷矣方以類聚物以羣分吉凶生矣在天成象在地成形變化見矣

〔本義〕天地者陰陽形氣之實體乾坤者易中純陰純陽之卦名也卑高者天地萬物上下之位貴賤者易中卦爻上下之位也動者陽之常靜者陰之常剛柔者易中卦爻陰陽之稱也方謂事情所向言事物善惡各以類分而吉凶者易中卦爻占決之辭也象者日月星辰之屬形者山川動植之屬變化者易中菁策卦爻陰變為陽陽化為陰者也此言聖人作易因陰陽之實體為卦爻之法象莊周所謂易以道陰陽此之謂也〔鶴山魏氏曰〕卦畫自下始位六位也貴賤觀屯言以貴下賤訟言以下訟上可見天圓而動地方而靜故有常剛交一三五柔交二四六也斷因九六之得位失位而斷之也觀位正當也位不當也之類可見矣〔誠齋楊氏曰〕南方之人喜聞楚語北方之人喜聞燕語方以類聚也鶴之巢无鳥之子馬之廐无狐之穴物以羣分也善惡之分聚亦然聚散異器好惡相攻由是吉凶生焉愚謂但指四方萬物說於義自該蘇氏易解象者形之精華發於上者也形者象之體質留於下者也人見其上下直以為兩矣豈知其未嘗不一耶故在天成象在地成形變化之始也〔雲峯胡氏曰〕此一節言畫前之易固如是也愚謂畫前之易乃為先天太極是也既有

乾坤卦象便屬後天矣有卦象而又分先後則對待流行之說近之

是故剛柔相摩八卦相盪

本義此言易卦之變化也六十四卦之初剛柔兩畫而已兩相摩而為四

四相摩而為八八相盪而為六十四章廬吳氏曰畫卦之初以一剛一柔與第二畫之剛柔相摩而為八卦八卦既成則又各以八柔與第三畫之剛柔相摩而為八卦八卦既成則又各以八悔卦盪於一貞卦之上而一卦為八卦八卦為六十四卦也愚謂此節言伏羲畫卦凡生卦圖八卦方位圖及重卦圖俱包在內合觀下節可該三墳八索之書

鼓之以雷霆潤之以風雨日月運行一寒一暑

本義此變化之成象者語錄鼓

之以雷霆四句是說易中所有建安邱氏曰前以乾坤賁賁剛柔吉凶變化言是對待之陰陽交易之體也此以摩盪鼓潤運行言是流行之陰陽變易之用也愚謂此節言乾坤以六子為用當與神也者妙萬物而為言一章參看雷起於地而升人風生於天而入地坎在地為水在天為雨為月離在地為火在天為日為靈兌在地為澤在天亦為雨澤艮在地為山在天為星辰星者日之餘也寒暑不專指坎離說卦傳云說言乎兌成言乎艮可識其義矣

乾道成男坤道成女

本義此變化之成形者此兩節又明易之見於實體者與上文相發明也語錄乾道

二句通人物言之又云豈得男便都无陰女便都无陽這般須錯看（本義通釋）此三節畫後之易也愚謂此節言六子皆生於乾坤當與乾天也故稱平父一章泰看况兩

著女孔子協頤以爲言則兩節之義宜平合看矣

乾知大始坤作成物（本義）知猶主也乾主始物而坤作成之承

陰陽者莫不如此大抵陽先陰後陽施陰受陽之輕清未形而陰之重濁有迹也（邵子曰）陽不能獨立必得陰而後立故陽以陰爲基陰不能自見必待陽而後見故陰以陽爲倡陽知其始而享其成陰效其法而終其勞也愚謂此節乃言乾坤資始資生之德上文成男成女當指六子而言

乾以易知坤以簡能

（本義）乾健而動卽其所知便能始物而无

所能皆從乎陽而不自作故爲以易而知大始坤順而靜凡其天地之道不爲而善始不勞而善成故曰易簡（韓氏康伯曰）自乾知大始至坤以簡能此贊乾坤之功雖至溥而無際而乾坤之德實至要而不繁也

易則易知簡則易從易知則有親易從則有功有親則可久有

功則可大可久則賢人之德可大則賢人之業

（本義）人之所爲如乾之易則壯

心明白而人易知如坤之簡則其事要約而人易從易知則與之同心者多故有親易從則與之協力者衆故有功有親則一於內故可久有功則兼於外故可大德謂得於已者業謂成於事者上言乾坤之德不同此言人法乾坤之道至此則可以爲賢矣范氏長生曰以其易知故物親而附之以其易從故物法而有功愚謂易知易從就已言有親有功就人言

易簡而天下之理得矣天下之理得而成位乎其中矣

本義成位謂成

人之位其中謂天地之中至此則體道之極功聖人之能事可以與天地參矣○此第一章以造化之實明作經之理又言乾坤之理分見於天地而人兼體之也雙湖胡氏曰第一章專論伏羲體造化以作易之事重在乾坤二卦生八卦以至六十四卦蓋先天易首乾終坤包六十四卦於其中凡陽皆乾凡陰皆坤也未歸結乾坤易簡之德賢人體之造其極聖人之能事畢矣愚謂此章言卦象所由始伏羲以下列聖靡不包舉乾知大始至末則據文王所序之卦首乾次坤而闡發其參贊之理也

聖人設卦觀象繫辭焉而明吉凶

本義象者物之似也此言聖人作易觀卦爻之象而繫以

辭也。意謂文王序卦而繫彖辭，周公列卦象而繫爻辭，皆於前聖易象神而明之，故能有此述作也。

剛柔相推而生變化

本義言卦爻陰陽迭相推盪而陰或變陽

以因著而求卦者也。雲峯胡氏曰：易之道不外乎辭變象占。吉凶占也，占以辭而明，故曰繫辭焉而明吉凶。剛柔相推，象也。變由象而出，故曰剛柔相推而生變化。愚謂上文既云繫辭明吉凶，此句當指撰著求卦而言。剛爻化柔，柔爻變剛，有定法也。

是故吉凶者失得之象也，悔吝者憂虞之象也。

本義吉凶悔吝者，易之辭也。得

失憂虞者，事之變也。得則吉，失則凶。憂虞雖未至，凶然已足以致悔而取羞矣。蓋吉凶相對而悔吝居其中，間悔自凶而趨吉者，自吉而向凶，故聖人觀卦爻之中，或有此象，則繫之以此辭也。括蒼龔氏曰：憂在心，虞在物，在心則方有端而無患，成悔而已在物，則已有形而可虞，故成吝。愚謂虞字當作樂字訓，蓋志得意滿者必凶，吝之所為自吉向凶也。此四句承繫辭明吉凶而言，失得憂虞皆屬人事。

變化者進退之象也，剛柔者晝夜之象也，六爻之動三極之道

也本義柔變而趨於剛者退極而進也剛化而趨於柔者進極而退也既變而剛則晝而陽矣既化而柔則夜而陰矣六爻初二爲地三四爲人五上爲天勢即變化也極至也三極天地人之至理三才各一大極也此明剛柔相推以生變化而變化之極復爲剛柔流行於一卦六爻之間而占者得因所僅以斷吉凶也愚謂進退晝夜以造化言變化剛柔以卦畫言六爻之動乃言揲著成卦之後用九用六可盡六畫卦理也本義變化之極復爲剛柔二語難解蓋以揲著所得之九六爲剛柔即本文所云六爻之動也雲峯胡氏曰此曰三極是卦爻已動之後各具一太極後曰易有太極者則卦爻未生之先統體一太極也

是故君子所居而安者易之序也所樂而玩者爻之辭也

本義

序謂卦爻所著事理當然之次第玩者觀之詳節齋蔡氏曰自卦言否泰剝復之類自爻言潛見飛躍之類皆序也知其序之有常故居其位而安來易序者文王序卦也所居而安者文王六十四卦之序所樂而玩者周公三百八十四爻之辭文王序卦有錯有綜變化无窮若可遷移矣然文王本其自然之畫而定之非有心安排也故不可遷移如乾止可與坤相錯不可與別卦相錯故孔子雜卦曰乾剛坤柔屯止可與蒙相綜不可與別卦相綜故孔子雜卦曰屯見而不失其

居蒙雜而著此則教人學文王序卦學周公爻辭下節則教人學文王周公辭變象占也愚謂來氏之說乃先儒所未發但文王序卦即兼有卦辭而下節觀其象仍當首伏義卦圖以及文王序卦之象詳見說卦傳內

是故君子居則觀其象而玩其辭動則觀其變而玩其占是以

自天祐之吉无不利本義凡單言變者化在其中占謂其所值

子學易之事虞氏仲翔曰以動者尚其變占事知來故玩其

占也節齋蔡氏曰觀象玩辭學易也觀變玩占用易也學易

則无所不盡其理用易則惟盡乎一爻之時雙湖胡氏曰此

第二章專論文王周公繫辭以明伏羲卦象剛柔變化吉凶

悔吝凡三極之道皆見辭中而君子學易必當合伏羲卦象

文王周公卦爻辭兼得之末歸結在下筮上以獲自天之祐

也愚謂此章雖帶說前聖之卦象著數重在文王之序卦象辭周公之爻辭與夫揲著用九用六之妙也

象指全體而言變指一節而言張子曰象謂一卦之質

象者言乎象者也爻者言乎變者也本義象謂卦辭文王所作

者爻謂爻辭周公所作

吉凶者言乎其失得也悔吝者言乎其小疵也无咎者善補過

也本義此卦爻辭之通例雲峯胡氏曰前章言卦爻中吉凶悔吝之辭未嘗及无咎之辭此章方及之大抵不貴无過而貴改過无咎者善補過也聖人許人自新之意切矣愚謂善字當訓嘉與上文言字一例

是故列貴賤者存乎位齊小大者存乎卦辨吉凶者存乎辭本位謂六爻之位齊猶定也小謂陰大謂陽龜山楊氏曰陽大而陰小陽卦多陰則陽爲之主陰卦多陽則陰爲之主雖小大不齊而剛柔得位爲一卦之主則均

憂悔吝者存乎介震无咎者存乎悔本義介謂辨別之端蓋善惡已動而未形之時也於

此憂之則不至於悔吝矣震動也知悔則有以動其補過之心而可以无咎矣南軒張氏曰易三百八十四爻憂悔吝而存乎介者多矣惟豫之六二介于石不終日貞吉在豫之時能介而自守者乎震无咎而存乎悔者多矣惟復之初九不遠復无祇悔元吉在復之初能悔而改過者乎雲峯胡氏曰前曰悔吝者言乎其小疵此曰憂悔吝者存乎介蓋謂當謹於其微不可以小疵而自恕也前曰无咎者善補過此曰震无咎者存乎悔蓋謂欲動其補過之心者必自悔中來也悔者天理萌動之機不悔則人欲沉痾而不自知也趙氏玉泉曰介在事前悔在事後

是故卦有小大辭有險易辭也者各指其所之

本義小險大易各隨所向。此

第三章釋卦爻辭之通例。誠齋楊氏曰讀謙復之辭者如行

夷塗如逢春陽如對堯舜周孔何其氣象之和樂也其辭夷

易而指人以所之之得且吉也讀遯剝之辭者如涉風濤如

履霜雪如對桀紂盜跖何其氣象之凜栗也其辭艱險而指

人以所之之失且凶也來易之字訓往各者吉凶悔吝无

咎五者各不同也各指其所之者各指其所往之地也

易與天地準故能彌綸天地之道

本義易書卦爻具有天地之道與之齊準彌如彌縫之彌

有終竟聯合之意綸有選擇條理之意雲峯胡氏曰此易字

指易書而言書之中具有天地之道本自與天地相等故於

天地之道彌之則是合萬為一渾然无欠綸之則是一實萬

分粲然有倫此下三節皆聖人用易之書與此二句相應

仰以觀於天文俯以察於地理是故知幽明之故原始反終故

知死生之說精氣為物游魂為變是故知鬼神之情狀

本義此窮理之

事以者聖人以易之書也易者陰陽而已幽明死生鬼神皆

陰陽之變天地之道也天文則有晝夜上下地理則有南北

高深原者推之於前反者要之於後陰精陽氣聚而成物神

之仙也魂游魄降散而為變鬼之歸也語錄晝明夜幽上明

下幽觀晝夜之運日月星辰之上下可見天文幽明之所以然南明北幽高明深幽觀南北高深可見地理幽明之所以如是而已故以春為始而原之其必有冬以冬為終而反之則必有春死生者與是類也張子曰精氣首自无而有游魂者自有而无自无而有神之情也自有而无鬼之情也自无而有故顯而為物神之狀也自无而無故隱而為變鬼之狀也

與天地相似故不違知周乎萬物而道濟天下故不過旁行而

不流樂天知命故不憂安土敦乎仁故能愛

本義此聖人盡性之事也

曰與天地相似故不違此統論聖人之體段知周萬物道濟天下故不過此指知仁與天地相似之實處不過對不違而言旁行而不流樂天知命故不憂即周萬物之知而似乎天也安土敦乎仁故能愛即道濟天下之仁而似乎地也不憂對能愛言惟知與天相似則極其高明矣隨其所行沒應曲當此動而樂天之事也何憂之有惟仁與地相似則極其博厚矣隨其所處厚重不遷此靜而安土之事也何所不愛之有此聖人仁知盡性之學而上下與天地同流者蓋如此

範圍天地之化而不過曲成萬物而不遺通乎晝夜之道而知

故神无方而易无體

本義此聖人至命之事也天地之化无窮而聖人爲之範圍不使過於中道所謂裁

成者也通倫兼也晝夜即幽明生死鬼神之謂如此然後可見至神之妙无有方所易之變化无有形體也。此第四章言易道之大聖人用之如此愚謂此章贊周易之妙即所云和順於道德而理於義窮理盡性以至於命也邵子曰神者易之主也所以无方易者神之用在也所以无體龜山楊氏曰天高地下必有方矣神则无方天圓地方必有體矣易则无體无在而无乎不在无爲而无所不爲也

一陰一陽之謂道

本義陰陽迭運者氣也其理則所謂道語錄以一日言之則晝陽而夜陰以一月言之則

望前爲陽望後爲陰以一歲言之則春夏爲陽秋冬爲陰從古至今恁地滾將去只是這個陰陽就使之然哉乃道也程氏附錄道非陰陽也所以一陰一陽者道也愚謂一陰一陽須兼對待流行二義

繼之者善也成之者性也

本義道具於陰而行乎陽繼言其發也善謂化育之功陽之事也成言其

具也性謂物之所受言物生則有性而各具是道也陰之事也周子程子之書言之備矣語錄繼之者善易中本是就造化上說到成之者性方以人物而言愚謂孟子所言性善其原蓋出乎此雲峯胡氏曰首三句正是夫子言性與天道處

繼者靜之終動之始最
可見一陰又一陽之妙

仁者見之謂之仁知者見之謂之知百姓日用而不知故君子

之道鮮矣

語錄萬物各具是性但氣稟不同各以其性之所近者只見得他貞靜處便以為知下此一等百姓日用之間習

矣不著行矣不察所以君子之道鮮矣愚謂此本上文成性而言賢智有氣稟之偏而庸愚為習俗所囿也君子成德之名

顯諸仁藏諸用鼓萬物而不與聖人同憂盛德大業至矣哉

本義

顯自內而外也仁謂造化之功德之發也藏自外而內也用謂機械之妙業之本也程子曰天地无心而成化聖人有心而无為草廬吳氏曰仁者生物之元由春生而為夏長之亨此仁顯見而達於外故曰顯諸仁用者收物之利由秋收而為冬藏之貞此用藏伏而歸於內故曰藏諸用

富有之謂大業日新之謂盛德

張子曰富有者大而无外日新者久而无穷節齋蔡氏曰富有

廣大不禦日新悠久无疆天高地下萬物散殊其富有之謂歟陰陽升降變化不窮其日新之謂歟

生生之謂易

本義陰生陽陽生陰其變無窮理與書皆然也愚謂此易字兼卦象著數言與泛言易書者有別史

繩祖學齋帖碑易者變易也所謂生生者變化無窮生意不息纔終於冬復生於春纔盡於剝旋生於復靡有間斷人之修證長生若使人皆長存而不死物皆長存而不亡則一氣之消息盈虛滅矣勢無此理也釋氏又謂證無生忍法經曰不生不滅則是天下皆絕生意人人物物如死灰槁木豈有是事哉

成象之謂乾效法之謂坤

本義效呈也法謂造化之詳密而可見者語錄既說盛德大業又說他只

管恁地生去所以接之以生生之謂易是漸說入易上去成象之謂乾效法之謂坤乾只略成一箇形象到得坤便都呈見出許多法來愚謂觀朱子此條則顯諸仁兩節當專指天地言先儒有指易理言者其說疎矣

極數知來之謂占通變之謂事

本義占筮也事之未定者屬于陽也事行事也占之已決者屬于

乎陰也極數知來所以通事之變張忠定公言公事有陰陽意蓋如此

陰陽不測之謂神

本義張子曰兩在故不測。此第五章言道之體用不外乎陰陽而其所以然者則未嘗

倚於陰陽也建安邱氏曰上章言易无體此言生生之謂易
惟其生生所以无體上章言神无方此言陰陽不測之謂神
惟其不測所以无方言易而以乾坤繼之乾坤變則无以
見易也言神而以占事先之占事則神所托而顯者也

夫易廣矣大矣以言乎遠則不禦以言乎邇則靜而正以言乎

天地之間則備矣

本義不禦言无盡靜而正言卽物而理存備

邇見其廣於天地之間見其大易理固無所不包也

夫乾其靜也專其動也直是以大生焉夫坤其靜也翕其動也

闢是以廣生焉

本義乾坤各有動靜於其四德見之靜體而動

坤二而虛故以量言而曰廣蓋天之形雖包於地之外而其氣常行乎地之中也易之所以廣大者以此蓋緣乾靜專動直而大生坤靜翕動闢而廣生這說陰陽體性如此卦畫也旁佛似恁地

廣大配天地變通配四時陰陽之義配日月易簡之善配至德

本義易之廣大變通與其所言陰陽之說易簡之德配之天道人事則如此。此第六章愚謂合日月而成易字此經所

由名也交易變易已具二義據康成易論易簡亦是一義易簡之善配至德觀繫傳首章至德當兼天地人而言雲峯胡氏曰首章論乾坤之尊卑結之以易簡而理得此章論乾坤之廣大結之以易簡配至德然則易固不徒在乾坤而自在於吾之心也雙湖胡氏曰以廣大贊易而有所謂廣大者乃生於乾坤則夫所謂贊易者乃所以贊乾坤也然必及於變通陰陽之義易簡之善則非特廣大不淪於空虛无用且可以見乾坤有至精至粹之實者矣謂易爲卜筮書流於伎藝易不觀諸此

子曰易其至矣乎夫易聖人所以崇德而廣業也知崇禮卑崇

效天卑法地

本義十翼皆夫子所作不應自著子曰字疑皆後人所加也窮理則知崇如天而德崇循理則禮卑

如地而業廣此其取類又以清濁言也語錄林宰問卑字曰只是卑約意須常本卑約之意方可行禮若知則超越流通无往不可也齊氏夢龍曰就天地言曰盛德大業就聖人言曰崇德廣業崇欲其盛廣欲其大也知屬水內陽而外陰故欲崇禮屬火內陰而外陽故欲卑蓋亦各矯其質也天下莫有崇於天者故欲效天天下莫有卑於地者故欲法地天地設位而易行乎其中矣成性存存道義之門
本義天地設位而變化行

猶知禮存性而道義出也成性本成之性存存謂存而又存不已之意也愚謂天地設位而易行乎其中不必與成性二句對看蓋此易字指陽健陰順之理而言以申上章未盡之義與後章所云乾坤成列而易立乎其中者不同成性存存道義之門即中為大本之意乃德所由崇而業所由廣也此第七章語錄堯舜性之是其性本渾然學者學之須是以知禮做也到得他成性處道義之門謂從這裏流出平菴項氏曰此章言聖人體易於身也知窮萬物之原則乾之始萬物也禮循萬理之則則坤之成萬物也道者義之體智之所知也義者道之用禮之所行也

聖人有以見天下之賾而擬諸其形容象其物宜是故謂之象

本義賾雜亂也象卦之象如說卦所列者章廬吳氏曰文王未繫彖辭之先重卦之名謂之象言象則象在其中雲峯胡氏曰擬陰陽之形容於是為奇耦之畫畫則象也已畫又取象天地首腹牛馬以至於為金為玉為釜為布之類皆象也

聖人有以見天下之動而觀其會通以行其典禮繫辭焉以斷

其吉凶是故謂之爻

本義會謂理之所聚而不可遠處通謂理之可行而無所礙處如庖丁解牛會則其

族而通則其虛也梁氏中行曰會通謂事與理合而通行處
典禮猶典常法度也愚謂上節言列聖卦象此節言文周繫
辭用九用六
以占動爻也

言天下之至賾而不可惡也言天下之至動而不可亂也

語錄雜亂

處人易得厭惡然而這都是道理合有底事自合理會故不可惡動亦是合有底事然上面各自有道理故自不可亂
氏士傑曰有至一者存所以不可惡有至常者存所以不可亂

擬之而後言議之而後動擬議以成其變化

本義觀象玩辭觀變玩占而法行之

此下七爻則其例也雲峯胡氏曰聖人之於象撮之而後成學易者如何不擬之而後言聖人之於爻必觀會通以行典禮學易者如何不議之而後動前言變化易爻之變化也此言成其變化學易者之變化也

鳴鶴在陰其子和之我有好爵吾與爾靡之子曰君子居其室

出其言善則千里之外應之況其邇者乎居其室出其言不善

則千里之外違之況其邇者乎言出乎身加乎民行發乎邇見

乎遠言行君子之樞機樞機之發榮辱之主也言行君子之所

以動天地也可不慎乎

本義釋中孚九二爻義語錄鳴鶴子和好爵爾靡此本是說誠信感通之理夫

子却專以言行論之蓋誠信感通莫大於言行邱氏光庭曰孔穎達云樞戶曰機弩牙按樞是門關關發即扉開則是門之開關由關不由臼也且臼非能轉動安得謂之發乎愚謂樞非戶曰亦非門關乃戶下入臼之機也故曰戶樞不蠹豈謂耶

同人先號咷而後笑子曰君子之道或出或處或默或語二人

同心其利斷金同心之言其臭如蘭

本義釋同人九五爻義言君子之道初若不同而後

實無間斷金如蘭言物莫能間而其言有味也息齋余氏曰以出處語默發明號笑之義聖人讀易不滯於故而知其新有如此者

初六藉用白茅无咎子曰苟錯諸地而可矣藉之用茅何咎之

有慎之至也夫茅之爲物薄而用可重也慎斯術也以往其无

所失矣

本義釋大過初六爻義程氏敬承曰天下事成於慎而敗於忽况當大過時時事艱難慎心不到便有所失故

有取於
慎之至

勞謙君子有終吉子曰勞而不伐有功而不德厚之至也語以

其功下人者也德言盛禮言恭謙也者致恭以存其位者也

本義

釋謙九三爻義言德欲其盛禮欲其恭也誠意楊氏曰人之

謙與傲係其德之厚與薄德厚者无盈色德薄者无卑辭如

鐘磬焉愈厚者聲愈緩薄者反是

亢龍有悔子曰貴而无位高而无民賢人在下位而无輔是以

動而有悔也

本義釋乾上九爻義當屬文言此蓋重出愚謂觀此則凡繫傳中釋爻義者其初必在文言傳內矣

不出戶庭无咎子曰亂之所生也則言語以爲階君不密則失

臣臣不密則失身幾事不密則害成是以君子慎密而不出也

本義釋節初九爻義建安邱氏曰爻義主出處之節而言此兼及於言語之節者節下卦兌兌爲口舌亦其象也蓋口舌

乃人一身之門戶一語不謹則失臣失身殃禍立至此
尤君子之所重故夫子因明謹行而又推之謹言也

子曰作易者其知盜乎易曰負且乘致寇至負也者小人之事
也乘也者君子之器也小人而乘君子之器盜思奪之矣上慢

下暴盜思伐之矣慢藏誨盜冶容誨淫易曰負且乘致寇至盜

之招也本義釋解六三爻義。此第八章言卦爻之用司馬公曰上慢下暴慢其上而暴其下也來易慢藏二句皆指

坎也坎為盜為淫故蒙卦言見金夫不有躬又言寇也節齋
蔡氏曰自中孚九二爻至此乃夫子擬議之辭而為三百八
十四爻之凡例也爻之有義非辭不明而天下之事變化无
窮又豈辭之所能備哉苟玩之者拘而不通則一爻不過一
事而已擬議以成其變化其所以示人者詳矣雲峯胡氏曰
夫子於乾坤皆有文言以申彖傳象傳之意其餘彖傳亦有
文言如履與豫卦釋卦辭已畢復曰剛中正至尤明也天地
以順動至豫之時義大矣哉此類皆是也然則繫傳此數卦
即彖傳之文言也善學
易者可觸類而通其餘

天一地二天三地四天五地六天七地八天九地十本義此簡本在第十

章之首程子曰宜在此今從之此言天地之數陽奇陰耦即所謂河圖者也其位一六居下二七居上三八居左四九居右五十居中就此章而言之則中五為衍母次十為衍子次一二三四為四象之位次六七八九為四象之數二老位於西北二少位於東南其數則各以其類交錯於外也平安項氏曰天一至地十班固律歷志及衛元嵩元包運著篇皆在天數五之上

天數五地數五五位相得而各有合天數二十有五地數三十凡天地之數五十有五此所以成變化而行鬼神也

本義此簡本在大衍

之後今按宜在此天數五者一三五七九皆奇也地數五者二四六八十皆耦也相得謂一與二二三與四四五與六六七與八九與十各以奇耦為類而自相得有合謂一與六二與七三與八四與九五與十皆兩相合二十有五者五奇之積也三十者五耦之積也變化謂一變生水而六化成之二化生火而七變成之三變生木而八化成之四化生金而九變成之五變生土而十化成之鬼神謂凡奇耦生成之屈伸往來者語錄在十干甲乙木丙丁火戊己土庚辛金壬癸水便是相得甲與巳合乙與庚合丙與辛合丁與壬合戊與癸合便是各有合孔氏正義言此陽奇陰耦之數成就其變化而宣行

鬼神之川翼氏幼文曰五位相得是指一六居北二七居南三八居東四九居西五十居中而言愚謂四方相次如一三七九二四六八是相得也四方相交如一六二七三八四九是有合也此兩節所論河圖五十五之數其文疑古所傳紀而非出於先聖故篇次亦多淆亂耳

大衍之數五十其用四十有九分而爲二以象兩掛一以象三

揲之以四以象四時歸奇於扚以象閏五歲再閏故再扚而後

掛本義大衍之數五十蓋以河圖中宮天五乘地十而得之至

用以筮則又止用四十有九蓋皆出於理勢之自然而非人之知力所能損益也兩謂天地也掛懸其一於左手小指之

間也三三才也揲間而數之也奇所揲四數之餘也扚勒於

左手中三指之兩間也閏積月之餘日而成月者也五歲之

間再積日而再成月故五歲之中凡有再閏然後別起積分

如一掛之後左右各一揲而一扚故五者之中凡有再扚然

後別起一掛也語錄扚指間也謂四揲左手之策而歸其餘

於无名指間四揲右手之策而歸其餘於中指之間也又云

掛一一歲揲左二歲扚左三歲一閏揲右四歲扚右五歲再

閏也一掛之間凡再扚卽五歲之間凡再閏之象也西山蔡

十二日三歲餘三十六日以三十日爲一月更餘六日又二歲更餘二十四日合前所餘六日爲三十爲再閏又曰後掛者再掛之後復以所餘之著合而爲一爲第二變再分再掛再劫也不言分二不言撲四獨言掛一者明第二變不可不掛也

乾之策二百一十有六坤之策百四十有四凡三百有六十當

期之日

本義凡此策數生於四象蓋河圖四面太陽居一而連九少陰居二而連八少陽居三而連七太陰居四而連

六揲著之法則通計三變之餘去其初掛之一凡四爲奇凡八爲耦奇圓圖三耦方圖四三用其全四用其半積而數之則爲六七八九而第三變揲數策數亦皆符會蓋餘三奇則九而其揲亦九策亦四九三十六是爲居一之太陽餘二奇一耦則八而其揲亦八策亦四八三十二是爲居二之少陰二耦一奇則七而其揲亦七策亦四七二十八是爲居三之少陽三耦則六而其揲亦六策亦四六二十四是爲居四之老陽凡其變化往來進退離合之妙皆出自自然非人之所能爲也少陰退而未極平虛少陽進而未極平盈故此獨以老陽老陰計乾坤六爻之策數餘可推而知也期周一歲也凡三百六十五日四分日之一此特舉成數而槩言之耳愚謂其揲亦九策亦四九三十六語意稍晦蓋云餘策四九三十

六以四撰之亦須九撰也其餘似此語錄老少之別本所以
生爻而非所以名卦今但以乾有老陽之象坤有老陰之象
六子有少陰陽之象且均其策數又偶合焉因假此以明彼
則可若便以乾六爻皆為老陽坤六爻皆為老陰六子皆為
少陰少陽則恐其未安也但三百六十者陰陽之合其數必
齊若乾坤之交而皆得於少陰陽也則乾之策六其二十八
而為百六十八坤之策六其三十二而為百九十二其合亦
為三百六十此則不可易也又曰大凡易數皆六十三十六
對二十四三十二對二十八皆六十也以十千十二支亦湊
到六十也鍾律以五聲十二律亦積為六十也以此知天地
之數皆至六十為節節齊蔡氏曰天地之運大小皆經於三
百六十大衍乾坤之策當期之日真所謂與天地相似也

二篇之策萬有一千五百二十當萬物之數也

本義二篇謂上下經凡陽爻百

九十二得六千九百一十二策陰爻百九十二得四千六百
八策合之得此數語錄二篇之策當萬物之數亦是取象之
辭不是萬物恰有此數百雲郭氏曰聖人畫卦初未有以陰
陽老少為異然卜史之家欲取動爻之後卦故分別老少之
象與聖人畫卦之意已不同矣愚謂畫卦時有兩儀陽儀陰
儀是也有四象太陽少陰少陽太陰是也但可指為一二三
四之位不可名為六七八九之數蓋卦象與著數原有分也
至撰著三爻之後而以九為老陽八為少陰七為少陽六為

老陰此假河圖之方位而為言耳白雲欲識他人不知象數之分乃云聖人畫卦初未有以陰陽老少為異則先不明乎象矣

是故四營而成易十有八變而成卦本義四營謂分二掛一揲

變也三變成爻十八變則成六爻也愚謂揲著至四營陰陽已交易矣至三變成爻乃有變易然則易之命名由著數起解人當自悟之平菴項氏曰此一節以是故發辭蓋接上文二篇之策而論揲著求卦之法以總括夫一章之事自八卦小成以下乃言得卦之後占象推演之法而一章之事備矣

八卦而小成本義謂九變而成三畫得內卦也引而伸之觸類而長之天下之

能事畢矣本義謂已成六爻而視其爻之變與不變以為動靜則一卦可變而為六十四卦以定吉凶凡四千九十六卦

六卦也雙湖胡氏曰案四千九十六卦乃焦延壽變卦之法詳見啓蒙原書篇

顯道神德行是故可與酬酢可與祐神矣本義道因辭顯行以數神酬酢謂應對祐

神謂助神化之功張子曰示人吉凶其道顯陰陽不測其德神顯故可與酬酢神故可與祐神平菴項氏曰天道雖幽可

顯之以示乎人人事雖顯可推之以合乎天明
可以酬酢事物之宜幽可以贊出鬼神之神

子曰知變化之道者其知神之所爲乎

本義變化之道卽上文數法是也皆非人之所

能爲故夫子歎之而門人加子曰以別上文也此第九章言天地大衍之數揲著求卦之法愚謂當春秋時揲著求卦之法衆所共知聖人何必若此煩言說卦傳中參天兩地而倚數一語已揭其要矣竊疑自大衍之數五十至可與祐神乃漢代講師據所傳著筮之數法推演其義而未結以聖人贊歎之言也

易有聖人之道四焉以言者尙其辭以動者尙其變以制器者

尙其象以卜筮者尙其占

南軒張氏曰易有聖人之道四故揲其所之者易之辭也以言者尙之則

言无不當矣化而裁之者易之變也以動者尙之則動无不時矣象其物宜者易之象也制器者象之則可以盡創物之智極數知來者易之占也卜筮者尙之則可以窮先知之神

是以君子將有爲也將有行也問焉而以言其受命也如響无

有遠近幽深遂知來物非天下之至精其孰能與於此

本義此尙辭尙

占之事（語錄以言是命筮之辭張子曰）此言易之爲書也至精者謂聖人窮理極盡精微處也愚謂有爲是事爲有行是行

參伍以變錯綜其數通其變遂成天地之文極其數遂定天下

之象非天下之至變其孰能與於此（本義此尚象之事變則象之未定者也參者三數之

也伍者五數之也既參以變又伍以變一先一後更相考覈以審其多寡之實也錯者交而互之一左一右之謂也綜者總而挈之一低一昂之謂也此亦皆謂揲蓍求卦之事蓋通三揲兩手之策以成陰陽老少之畫究七八九六之數以定卦爻動靜之象也語錄錯綜是兩樣錯是往來交錯之義有迭相爲用之意綜者條而理之也如機上織屐綜一箇上去一箇下來陽上去做陰陰下來做陽如綜相似平菴項氏曰凡占之法有數有變每爻三揲爲三變每揲有象兩象三象四時象閏再閏爲五小變此參伍以變也三揲之奇分而計之則得三少三多一少兩多一多兩少之數去三揲之奇以左右手之正策合而計之則得四九四六四七四八之數此錯綜其數也錯謂分而間之綜謂合而綜之此兩句止論一爻之法通六爻之變得十有八遂成初二三四五上以爲剛柔相雜之文極六爻之數得七八九六遂定重單交拆以爲

為外兩卦之象此四句成卦之法愚謂成文定象本以揲著求卦言然象之既定不惟可以利用安身即備物制器之道亦該乎其中矣此節申言尚變尚象之事來易定天下之象者如乾坤相錯則乾馬坤牛之類各有其象震艮相綜則震雷艮山之類各有其象是也參伍其著之變錯綜其卦之數通之極之而成文定象則奇偶老少不滯於一端內外貞悔不膠於一定而變化无穷矣非天下之至變其孰能與於此

易无思也无為也寂然不動感而遂通天下之故非天下之至

神其孰能與於此本義此四者之體所以立而用所以行者也

之體感通者寂之用人心之妙其動靜亦如此藍田呂氏曰寂然之中天機常動感應之際本原常靜洪鐘在簏叩與不叩鳴未嘗已寶鑑在手照與不照明未嘗息張氏振淵曰上數遂字已含有神意非精變之外別有神

夫易聖人之所以極深而研幾也本義研猶審也幾微也所以

至變也語錄知至如極深能慮便是研幾幾便是周子所謂動而未形有无之間者也俞氏琰曰極深謂以易之至精窮天下之至精研幾謂以易之至變察天下之至變

唯深也故能通天下之志唯幾也故能成天下之務唯神也故不疾而速不行而至

本義所以通志而成務者神之所為也語錄通天下之志猶言開物開通其閉塞也

故其下對成務誠齋楊氏曰天下之理惟疾故速惟行故至未有不疾而速不行而至者也蓋不如是不足以為神也然則聖人之神果何物也心之精也豈惟心之能神哉物理亦有之銅山東傾而洛鐘西應豈惟物理哉人氣亦有之其母蓄指而其子心動此一物之理一人之氣相應相同有不疾而速不行而至者也況聖心之神乎是故範圍天地而一不踰時經緯萬方而半武不出戶豈假疾而後速行而後至何為其然也心之神也愚謂至神之妙雖在聖人之心然必根易書而言乃合本章之首

子曰易有聖人之道四焉者此之謂也

本義此第十章承上章之意言易之用有此四

者愚謂此章申明上章末節知變化之道者其知神之所為之意而此節復結以子曰亦後儒所增加也

子曰夫易何為者也夫易開物成務冒天下之道如斯而已者

也是故聖人以通天下之志以定天下之業以斷天下之疑

本義

開物成務謂使人卜筮以知吉凶而成事業冒天下之道謂卦爻既設而天下之道皆在其中愚謂朱子意重卜筮故語錄中有指易爲著龜一條然觀易有凶象末節當兼著筮繫辭而言

是故著之德圓而神卦之德方以知六爻之義易以貢聖人以

此洗心退藏於密吉凶與民同患神以知來知以藏往其孰能

與於此哉古之聰明叡知神武而不殺者夫

本義圓神謂變化无方方知謂事有

定理易以貢謂變易以告人聖人體具三者之德而无一塵之累无事則其心寂然人莫能窺有事則神知之用隨感而應所謂光小筮而知吉凶也語錄著以七爲數故七七四十九而屬陽是未成卦時所用未有定體故其德圓而神所以知來卦以八爲數故八八六十四而屬陰是因著之變而成已有定體故其德方以知所以藏往雲峯胡氏曰此以著卦爻之理而言也理無一定之用故曰圓而神事有一定之理故曰方以知易以六爻之理教人有定體而无定用故曰易以貢聖人一心著卦爻之理具焉具此三者之理而无一塵之累故无事則退藏於密莫窺其際即著卦爻之无思无爲寂然不動者也有事則吉凶與民同患其神自足以知來其知自足以藏往即著卦爻之感而遂通天下之故者也愚謂

此節是言撰著求卦之始故序卦於著之後朱子語錄最爲明晰至古之聰明處知神武而不殺者先儒均無所指惟平菴項氏指爲伏羲而雙湖繼之然其說皆未允夫伏羲之世民風朴樸豈能盡知撰著其以卦畫示吉凶大約如村廟焚杯之類愚民皆可使由也史記云黃帝迎日推策順天地之紀幽明之占死生之說存亡之難旁羅日月星辰水波土石金玉世史類編云帝命大撓作甲子容成作益天祿首作算數則歷法興而著數亦由此起厥後聖人因之歷夏商周而不改下繫傳所云黃帝堯舜氏作通其變使民不倦神而化之使民宜之易窮則變變則通通則久是以自天祐之吉无不利豈非教民撰著之一徵乎况五兵之制亦制自軒皇本文明云神武而不殺者舍黃帝其誰屬哉是說雖創而合時當理所謂聖人復起不易我言者也

是以明於天之道而察於民之故是興神物以前民用聖人以

此齊戒以神明其德夫

本義神物謂著龜蓍然純一之謂蓍肅然警惕之謂戒明天道故知神物之可

興察民故故知其用之不可不有以開其先是以前民用聖人以教人而於此焉齊戒以考其占使其心神明不測如鬼神之神能知來也語錄問天之道只是福善禍淫之類否曰陰陽變化春何爲而生秋何爲而殺夏何爲而暑冬何爲而寒皆

要理會得閼民之故如君臣父子之類否曰故只是事凡民日用皆是若只理會得民之故却理會不得天之道便即民之故亦未是在到得極時只是一理又曰是以明於天之道至以前民用此言作易之事聖人以此齋戒以神明其德此言用易之事也愚謂此節重興神物以前民用句申說上文所未盡也按竹書紀年云黃帝五十年秋七月庚申天霧三日三夜晝昏帝遊於洛水之上見大魚殺五牲以醢之天乃甚雨七日七夜魚流於海得圖書焉龍圖出河龜書出洛據此則不獨著筮自黃帝始即龜卜亦始於黃帝矣左傳有遇黃帝戰於阪泉之兆是可為証然此節所稱聖人實兼文王周公在內蓋揲著之妙用至文周而大備不似上節所云古之聰明獻知神武而不殺者專有所指也

是故闔戶謂之坤闢戶謂之乾一闔一闢謂之變往來不窮謂之通見乃謂之象形乃謂之器制而用之謂之法利用出入民

咸用之謂之神

本義闔闢動靜之機也先言坤者由靜而動也

序也法者聖人修道之所為而神者百姓自然之日用也漢上朱氏曰知闔闢變通者明於天之道知利用出入民咸用之者察於民之故愚謂此節疑屬錯簡編觀先儒之說皆未合於自然或當在第十二章易不可見則乾坤或幾乎息之

下前後句法相類而承上文乾
坤言之於文義亦甚相貫也

是故易有太極是生兩儀兩儀生四象四象生八卦

本義一每生二自然

之理也易者陰陽之變太極者其理也兩儀者始為一畫以分陰陽四象者次為二畫以分太少八卦者次為三畫而三才之象始備此數言者實聖人作易自然之次第有不假絲毫智力而成者畫卦揲著其序皆然詳見序例啓蒙愚謂屯蒙以下不過震下坎上坎下艮上未有出入卦外者故但言八卦足以該六十四卦矣語錄太極便是一到得生兩儀時這太極便在兩儀中生四象時這太極便在四象中生八卦時這太極便在八卦中又曰說卦天地定位一章先天圖乾一兌二離三震四巽五坎六艮七坤八之序皆本於此愚謂太極在儀象之先乃畫卦之本原也漢儒謂伏羲見龍馬負圖始畫八卦烏知聖人之心全具太極之理者哉於此益嘆濂溪太極圖說幾於聖矣

八卦定吉凶吉凶生大業

本義有吉有凶是生大業語錄卦畫既立便有吉凶在裏蓋是陰陽往來

交錯於其間時則有消長之不同長者便為主消者便為客事則有當否之或與當者便為善否者便為惡即其主客善惡之辨而吉凶見矣故曰八卦定吉凶吉凶既決定而不差則以之立事而大業自此生矣此聖人作易教民卜筮而以

開天下之愚以定天下之志以成天下之事者如此章廬吳氏曰易有太極謂一陰一陽之相易有理以爲之主宰也儀匹也一陰一陽相匹配而爲兩卦之第一畫也是謂兩儀兩儀之上各加一陰一陽則倍二而爲四卦之第二畫也是謂四象四象之上又各加一陰一陽則倍四而爲八卦之第三畫也是謂八卦有此八卦則其別有六十四而可用之占筮以定吉凶俾民无所疑而勇於趨事赴功故曰生大業此蓋申言方以知之卦因及卜筮者所尚之上愚謂易有太極當指易書言夫子贊周易而爲之窮原竟委耳不必預入變易交易之義

是故法象莫大乎天地變通莫大乎四時縣象著明莫大乎日月崇高莫大乎富貴備物致用立下脫象字漢紀引易立象成器成器以爲天

下利莫大乎聖人探賾索隱鈎深致遠以定天下之吉凶成天

下之亹亹者莫大乎蓍龜本義富貴謂有天下履帝位亹亹猶勉勉也疑則怠決故勉進齋徐氏曰

法謂效法象謂成象萬物之生有顯有微皆法象也而莫大乎天地萬化之運終則有始皆變通也而莫大乎四時天文燦爛皆懸象著明也而莫大乎日月崇高以位言而貴爲天子富有四海者爲尤大智者創物巧者述之皆足以爲利而

物无不備用无不致立成器以爲天下利者惟聖人爲大願
隱以物象言深遠以事理言探之索之則隱者陳而隱者顯
矣鉤謂曲而取之致謂推而極之則深者出而遠者至矣卦
爻示人者明若觀火則有以決其吉凶而勉其有成也故曰
成天下之亹亹者莫大乎蓍龜上三言以易之
在造化者言也下三言以易之在人事者言也

是故天生神物聖人則之天地變化聖人效之天垂象見吉凶

聖人象之河出圖洛出書聖人則之

本義此四者聖人作易之所由也河圖洛書詳見啓

蒙雙湖胡氏曰神物謂蓍則之而四十九之用以行變化謂
陰陽效之而卦爻之動靜以備象謂日月星辰循度失度而
吉凶見象之而卦爻有以斷吉凶圖書則金木水火土生成
克制之數則之而卦畫方位以定皆作易之本也愚謂雙湖
之說第一條本說卦幽贊乎神明而生蓍參天兩地而倚數
可爲定解末一條猶屬可疑按孔安國云河圖者伏羲氏王
天下龍馬出河遂則其文以畫八卦洛書者禹治水時神龜
負文而列於背有數至九禹遂因而第之以成九類劉歆云
伏羲氏繼天而王受河圖而畫之八卦是也禹治洪水賜洛
書法而陳之九疇是也河圖洛書相爲經緯八卦九章相爲
表裏是二說者相沿已久余獨不以爲然蓋伏羲畫卦之由
繫傳仰則觀象於天一章已詳言之不應舍先聖而從後儒

況左傳云有象而後有數象在數先八卦象也河圖數也豈
反因河圖而後畫卦耶因河圖五十五之數而用大衍五十
之數此聖人則河圖以揲著乃不易之解也謂禹則洛書以
陳九疇其說本經何敢不從但以八卦配九章終屬假借据
竹書黃帝時已有神龜出洛當謂則之以灼龜耳龜書雖失
傳就洪範稽疑之疇曰雨曰霽曰蒙曰驛曰克有五者卜北
之體以配五行與洛書中五之數相合未必非上古所流傳
也況上文明云莫大乎蓍龜我言豈穿鑿耶或云河圖五十
有五洛書四十有五合成百數而用其半以爲大衍之數是
兼則河洛以揲著也其說雖巧亦不可從蓋洛書之四十五
數經無明文特自初一至次九積算之得四十五數耳若自
五行五事積至五福六極亦得四十九數而皇極居中其數
爲一仍合大衍五十之數據此
而謂則洛書以揲著說猶可通

易有四象所以示也繫辭焉所以告也定之以吉凶所以斷也

〔本義〕四象謂陰陽老少示謂示人以所值之卦爻愚謂此四
象當指九八七六所成之爻象言乃有示人之處○此第十
一章專言卜筮〔鄭樵六經與論〕卦之與爻有體本吉者有反
而後吉者卦之本吉豐泰既濟之類是也反之而後吉者否
屯未濟之類是也爻之本吉乾之飛龍坤之黃裳之類是也
反之而後吉者上九亢龍上六龍戰于野之類是也知此而

後可以言卜筮愚謂涉陰侯生善筮先
人事而後說卦知此則不流於技藝矣

易曰自天祐之吉无不利子曰祐者助也天之所助者順也人

之所助者信也履信思乎順又以尚賢也是以自天祐之吉无

不利也本義釋大有上九爻義然在此无所屬或恐是錯簡宜
在第八章之末朱氏中行曰聖人與易以示天下欲居

則觀其象而玩其辭動則觀其變而玩其占捨逆取順避凶
趨吉而已六十四卦中如大有上九爻辭之順道而獲吉者
多矣夫子於此再三舉之者以自天祐之吉无
不利之辭深見人順道而行自與吉會之意

子曰本義兩子曰
叙衍其一書不盡言言不盡意然則聖人之意其不可

見乎子曰聖人立象以盡意設卦以盡情僞繫辭焉以盡其言

變而通之以盡利鼓之舞之以盡神本義言之所傳者淺象之
所示者深觀奇耦二畫包

含變化无有窮盡則可見矣變通鼓舞以事而言語錄變而
通之以盡利此言占得此卦陰陽老少交變因其變便有通
之理鼓之舞之以盡神未占得則有所疑既占則无所疑自
然行得順便如言顯道神德行成天下之亹亹皆是鼓之舞

之之意誠齋楊氏曰以一卦言之天地交者泰之象也天地不交者否之象也通塞之象立治亂之意盡矣以一爻言之初而陽者勿用之象也上而亢者不知進退之象也上下之象立而潛退之意盡矣卦設而天地萬物之情可見鬼神之情狀可得而知而況於人之情僞乎元亨利貞卦之辭也潛龍勿用者爻之辭也繫之以卦辭不足又繫之以爻辭則盡其言矣建安邱氏曰立象設卦繫辭三者言作易之體變通鼓舞二者言用易之事愚謂聖人立象以盡意此指三墳而言設卦以盡情僞此指堯舜增加屯蒙諸卦之名及文王再序易卦也繫辭以盡其言指周易上下經文詳見說卦傳及余重卦定名說

乾坤其易之經邪乾坤成列而易立乎其中矣乾坤毀則無以見易易不可見則乾坤或幾乎息矣（本義）經所包畜者猶衣之

凡陽皆乾凡陰皆坤畫卦定位則二者成列而易之體立矣乾坤毀謂卦畫不立乾坤息謂變化不行語錄乾坤成列便是乾一至坤八都成列了其變易方立乎其中若只是一陰一陽則未有變易在愚謂乾坤者卦象之陳列易者著數之交易變易也無卦象則何所據以據著無著數則卦象亦窮於無用試觀下繫傳孔子於伏犧但云始作八卦於黃帝乃

云易窮則變可知易名之所自起諸儒說此節愈說愈晦者皆由但知有義文之易不知有黃帝之易也

是故形而上者謂之道形而下者謂之器化而裁之謂之變推

而行之謂之通舉而措之天下之民謂之事業

本義卦爻陰陽皆形而下者其

理則道也因其自然之化而裁制之變之義也變通二字上章以天言此章以人言愚謂觀此則上章闔戶謂之坤節宜在此節之上語錄問形而上下如何以形言曰此言最的當若以有形无形言之便是物與理相間斷了所以謂攝截得分明者只是上下之間分別得一箇界至分明器亦道道亦器有分別而不相離也又云化是因其自然而化裁是人爲變是變了他且如自初一至三十日便是化到這三十日截段做一月明日便屬後月便是變處得恰好處便是通推而行之便是就這上行將去且如亢龍有悔是不通了處得來无悔便是通誠齋楊氏曰此一節所以別言易道之體極言易道之用也何謂體曰道曰器是也何謂用曰變曰通曰事業是也平菴項氏曰自奇偶未形而上則謂之太極不可以陰陽名也自奇偶既形以下則謂之兩儀四象八卦而陰陽之體定矣體定而變化行故乾本健也初爻化爲入中爻化爲履末爻化爲說坤本順也初爻化爲動中爻化爲臨末爻化爲止六十四象皆示人以化裁之變也當其變也順而推

之則通達而執之則窮乾之災變而无首則吉坤之傷變而承貞則利此皆教人以推而行之通也於以通天下之志以定天下之業以斷天下之疑此舉而措之謂之事業也

是故夫象聖人有以見天下之賾而擬諸其形容象其物宜是

故謂之象聖人有以見天下之動而觀其會通以行其典禮繫

辭焉以斷其吉凶是故謂之爻

本義重出以起下文

極天下之賾者存乎卦鼓天下之動者存乎辭

本義卦即象也辭即爻也愚謂

極天下之賾句指堯舜之增卦名及周公之廣卦象鼓天下之動句則指文周之繫辭也雲峯胡氏曰窮天地萬物之象而歸諸卦故曰極發天地萬物之理而見乎辭故曰鼓

化而裁之存乎變推而行之存乎通神而明之存乎其人默而

成之不言而信存乎德行

本義卦爻所以變通者在人人之所

章建安邱氏曰上文直講者皆聖人作易之用此六存者則聖人之用失易也前言變通而歸之事業推易道於民也此

言變通而歸之德行存易道於已也雲峯胡氏曰上繫凡十
二章末乃曰書不盡言言不盡意蓋欲學者自得於書言之
外也自立象盡意至鼓天下之動者存乎辭反覆易之書言
可謂盡矣末乃曰默而成之不言而信存乎德行然則易果
書言之所能盡哉得於心爲德履乎身爲行易之存乎人者
蓋有存乎心身而不徒存乎書言者矣程氏敬承曰上繫末
章歸重德行下繫末章亦首揭出德行此之德行卽所謂乾
坤易簡者乎王爾緝豐用易說讀易者能於變動周流之中
識時中之用卽於易道思過半矣然不能實體所居而安之
旨以爲心行亦終是畫餅繪火無濟於真飢實寒故學易者
必如所謂神而明之之真知默而成之
之實踐然後可言善讀易善用易也

陸堂易學第八卷

平湖 陸奎勲 坡星輯

清溪 史玉節 儼園校

周易繫辭下傳

邵陽董氏曰先儒所定下繫凡十一章愚謂上

平但其中第五章所釋爻義當入文言傳第十一章當與末章合而以說卦傳二章補足其數九江周氏燾云說卦傳當從天地定位章起余深以為然故復宣明之以質世之學易者

八卦成列象在其中矣因而重之爻在其中矣

〔本義〕成列謂乾一兌二離三震

四巽五坎六艮七坤八之類象卦之形體也因而重之謂各因一卦而以八卦次第加之為六十四也爻六爻也既重而後卦有六爻也〔語錄〕八卦成列不止乾一至坤八橫圖若乾南坤北又是一列所以云之類〔柴氏〕中行曰八卦成列則凡天下之象舉在其中不止八物如說卦中所列皆是指三畫之卦言也愚謂以卦之形體言象則仍是八卦成列矣故復存柴氏之說然柴氏雖知象在其中不止八物亦未知伏幾時但有天地雷風水火山澤之卦而無乾坤震巽坎離

艮兌之名也此節言
義皇之畫卦重卦

剛柔相推變在其中矣繫辭焉而命之動在其中矣

本義剛柔相推而卦

爻之變往來交錯无不可見聖人因其如此而皆繫之辭以命其吉凶則占者所值當動之爻象亦不出乎此矣語錄變是就剛柔相錯而成卦爻言動是專主當占之爻言如二爻變則占者以上爻為主這上爻便是動處如五爻變一爻不變則占者以不變之爻為主則這不變底便是動處也虞氏仲翔曰剛柔相推而生變化故變在其中繫象象九六之辭故動在其中鼓天下之動者存乎辭也愚謂此節言黃帝之撰書成卦至文王周公而作象辭爻辭用九用六以動為占也

吉凶悔吝者生乎動者也

本義吉凶悔吝皆辭之所命也然必因卦爻之動而後見通書吉凶悔吝

生乎動噫吉一而已動可不慎乎愚謂此又承繫辭二句而言

剛柔者立本者也變通者趨時者也

本義一剛一柔各有定位自此而後變以從時語錄

此兩句亦相對說剛柔者陰陽之質是移易不得之定體故謂之本若剛變為柔柔變為剛便是變通之用本義通釋卦

有卦之時爻有爻之時立本者天地之常經趣時者古今之通義草廬吳氏曰剛柔之畫其體一定如木木之植立因著之變其用相通隨時所遇趨而就之剛或化柔柔或化剛也此承剛柔相推變在其中之語而言著之變也虛齋蔡氏曰剛柔立本所謂交易而對待者變通趣時所謂變易而流行者

吉凶者貞勝者也

本義貞正也常也物以其正為常者也天下之事非吉則凶非凶則吉常相勝而不已也

張子曰有義命當吉當凶當亨當否者聖人不使避凶趨吉一以貞勝而不顧如大人否亨過涉滅頂凶无咎之類朱子語錄張子貞勝之說雖非經有然其說亦自好不可廢他愚謂此句貞字只當訓常字至貞夫一乃說到正字意聖言固自有序也

天地之道貞觀者也日月之道貞明者也天下之動貞夫一者

也

本義觀示也天下之動其變无窮然順理則吉逆理則凶則其正而常者亦一理而已矣程氏附錄天地之道常垂象以

示人故曰貞觀日月常明而不息故曰貞明朱子語錄問貞勝貞觀貞明張程之說孰是曰伊川解貞作常者為是易傳解此字處多云正固固乃常也為正字盡貞字義不得故又著一固字雲峯胡氏曰上繫於吉凶悔吝无咎之義發之詳

矣獨貞字未發故於下繫發之貞者正而固也本義曰正而
常何哉固者人事之當然常者天理之必然天下之動非吉
勝凶則凶勝吉二者常相勝而不已然亦天下之正理也人
之所為正則吉不正則凶雖其動也不一而常有至一者存
亦不外乎此至正之理而已
天地日月之道亦猶是也

夫乾確然示人易矣夫坤隤然示人簡矣

本義確然健貌隤然
順貌所謂貞觀者也

愚謂此下據文王之
易乾坤相錯者而言

爻也者效此者也象也者像此者也

本義此謂上文乾坤所示
之理爻之奇耦卦之消息

所以效而像之
朱氏中行曰爻者所以效乾
坤剛柔之義象者所以像乾坤所宜之物也

爻象動乎內吉凶見乎外功業見乎變聖人之情見乎辭

本義
內謂

著卦之中外謂著卦之外變即動乎內之變辭即見乎外之
辭語錄外內字猶言先後顯微這功業字似吉凶生大業之
業張子曰因爻象之既動明吉凶於未形故曰爻象動乎內
吉凶見乎外隨爻象之變以通其利故功業見也聖人之情
信乎效人而已潘氏夢旂曰聖人之情見
乎爻辭象辭之間所以指人以所之也

天地之大德曰生聖人之大寶曰位何以守位曰仁何以聚人

曰財理財正辭禁民爲非曰義本義曰人之人今本作仁呂氏從古蓋所謂非衆罔與守邦

此第一章言卦爻吉凶造化功業諸錄天地以生物爲心蓋天地之間品物萬形各有所事惟天確然於上地賡然於下亦曰天只是以生物爲事故易曰天地之大德曰生而程子然非聖人建綱紀立法變授生人於禽獸異類之中以立人極使各遂其性各由其分亦豈能使萬物安於覆載之間與化育爲无終窮哉此天地聖人所以並立於域中也聖人非得位不能繼天地故位者聖人之大寶仁者天地之心也天地位於上下者以其於萬物有生生之心聖人位乎中非有天地生生之心豈足以稱其位而有之在心爲仁以是心而處事爲義理財也正辭也禁民爲非也皆是心之發用也鱗洲龍氏曰案此五句恐是他經誤入故與上下文不相屬愚謂幾湖極力講末節終欠自然先儒有謂此節宜爲下章之首者說自可存

古者包犧氏之王天下也仰則觀象於天俯則觀法於地觀鳥獸之文與地之宜近取諸身遠取諸物於是始作八卦以通神

明之德以類萬物之情

本義王昭素曰與地之間諸本多有天字俯仰遠近所取不一然不過以驗陰

陽消息兩端而已神明之德如健順動止之性萬物之情如雷風山澤之象語錄凡草木禽獸无不有陰陽鯉魚脊上有三十六鱗陰數龍脊上有八十一鱗陽數龜背上文中間一簇成五段文兩邊各插四段共成八文八文之外兩邊周圍共二十四段中間五段者五行也兩邊插八段者八卦也周圍二十四段者二十四氣也又如草木之有雌雄銀杏桐栢北牡麻竹之類皆然又樹木向陽處則堅實其背陰處必虛軟男生必伏女生必偃其死於水也亦然蓋男陽氣在背女陽氣在腹也平菴項氏曰象以氣言屬陽法以形言屬陰鳥獸之文謂天產之物飛陽而走陰也土地所宜謂地產之物木陽而草陰也節齋蔡氏曰聖人所畫之卦精可以通神明之德粗可以類萬物之情神明之德不可見者也故曰通萬物之情可見者也故曰類愚謂此羲皇畫卦之由若如漢儒所云見龍馬負圖而畫卦不過觀鳥獸之文一端而已八卦雖无所不包然在羲皇時通神明之德當指太極之理類萬物之情當指八卦之象

作結繩而為罔罟以佃以漁蓋取諸離

本義兩目相承而物麗焉爾軒張氏曰古者禽

獸多而人民少故包犧氏為之罔罟以佃以漁非徒使民皆知鮮食之利抑亦去其害而安其居也愚謂伏羲時已有八

日中爲市致天下之民聚天下之貨交易而退各得其所蓋取

諸噬嗑

本義日中爲市上明而下動又借噬嗑爲市嗑爲合也世本云祝融作市合抄鄭氏曰十三卦始離次益次噬嗑

所取者食貨而已食貨者生民之本也

神農氏沒黃帝堯舜氏作通其變使民不倦神而化之使民宜

之易窮則變變則通通則久是以自天祐之吉无不利黃帝堯

舜垂衣裳而天下治蓋取諸乾坤

本義乾坤變化而无爲覆山謝氏曰乾天在上衣象坤地

在下裳象上衣下裳不可顛倒使民知尊卑上下不可亂則民志定天下治矣愚謂衣裳始於黃帝詳於虞書以此解垂

衣裳句則得矣但與通其變至吉无不利一段如何可以聯

結此言揲著求卦始自黃帝以之教民乃開物成務之大者也所謂取諸乾坤蓋揲著之法不離奇偶故孔子斷爲取諸

乾坤胡雲峯云垂衣裳而天下治卽乾坤之變化而無爲也能發明朱子未盡之義又案伏羲節先言畫卦後及制器而

言罔罟黃帝堯舜節先言揲著後及制器而言垂衣裳上及下裳亦乾坤之象也

當如首節分兩段

剡木為舟剡木為楫舟楫之利以濟不通致遠以利天下六字疑衍

蓋取諸渙本義木在水上也南軒張氏曰衣裳之垂蓋欲遠近之民下觀而化然川途之險阻有所不通惟夫舟楫

之利既興則日月所照霜露所隊莫不拭目觀化天下如一家中國如一人矣愚謂軒后見浮槎乃為舟說文云黃帝作

車少昊加牛禹時加馬則舟車皆肇端於黃帝矣

服牛乘馬引重致遠以利天下蓋取諸隨本義下動上說司馬

而行隨之象也鄒陽董氏曰牛以順為道而力在肩故服而馴之以引重馬以健為道而力在足故乘而駕之以致遠服

牛乘馬穿鼻絡頭雖人為也亦各因其天而任之故取諸隨

重門擊柝以待暴客蓋取諸豫本義豫備之意進齋徐氏曰內

象震山訓氏曰艮為門闕豫二四互艮四上震反亦艮一正一反兩艮也故曰重門震為木為聲柝也艮手擊之有擊柝

象互坎為盜暴客也愚謂艮為闕戶震為木為聲說猶可通若以互卦反卦取象正犯朱子穿鑿附會之譏

斷木為杵掘地為臼臼杵之利萬民以濟蓋取諸小過本義下止上動

誠齋楊氏曰耒耜耕稼之始曰柞脫粟之始雙湖胡氏曰震木互兌金斷之有爲柞之象艮土互巽木入之有柞曰之象其義則下止而上動也愚謂此亦用互象而爲說甚巧姑錄之

弦木爲弧剡木爲矢弧矢之利以威天下蓋取諸睽本義睽乖

服之漢上朱氏曰知門柝而不知弧矢之利則威天下者有未盡故教之以弧矢之利愚謂揮作弓牟夷作矢皆黃帝臣禽殺蚩尤威天下者亦莫如黃帝也書云和之弓垂之竹矢蓋因舊制而益精妙耳

上古穴居而野處後世聖人易之以宮室上棟下宇以待風雨

蓋取諸大壯本義壯固之意司馬公曰風雨動物也風雨動於上而爲棟乾天

在下而爲宇

古之葬者厚衣之以薪葬之中野不封不樹喪期無數後世聖

人易之以棺槨蓋取諸大過本義送死大事而過於厚意齋余氏曰棟宇棺槨皆取四陽非此无

以抗風雨水泉之陰也愚謂宮室棺槨趾始於黃帝至唐虞三代乃備禮弓云有虞氏瓦棺夏后氏聖周殷人棺槨是足

徵也取義不獨卦名觀巽下兌
上之象其風水之說所由興歟

上古結繩而治後世聖人易之以書契百官以治萬民以察蓋

取諸夬

本義明決之意○此第二章言聖人制器尙象之事節

齊蔡氏曰言有所不能記者則造書以記之事有所不能信者則造契以信之取明決之義程氏龍曰器利用便則巧僞生憂患作聖人憂之故終之以書契之取象書契可以代忘言之兌乾天可以防書契之僞其視網罟等象雖非一時之利實萬世之大利也故結繩初易爲網罟終易爲書契聖人以定大業斷大疑悉於書契乎觀百官治萬民察誠非書契不可也十三卦終以夬卦之取象聖人之意深矣愚謂書始黃帝史官倉頡契則周禮所云質劑也對上古而言故統稱後世聖人西山真氏曰此章所列卦象之意皆物象之自然者也有自然之象則有自然之理人之所共觀也然常人見其象而昧其理惟聖人見是象則知是理知是理則制是器人皆謂備物致用立成器以利天下出於聖人之心思不知聖人亦因其所固有而已學者誠能虛心以體天下之物則精義妙道莫不昭昭然接於吾之心目然後真知道器之相合而顯微之无間也愚謂伏羲既畫卦象黃帝始行書數有乾坤八卦卦之名至堯舜時乃增屯蒙諸卦名十三卦取義或用卦象或用卦德或用卦名不當以互卦反卦鑿說亦

不但指五聖人凡三代制度莫不包括在內蓋制器尚象之理至此而闡發无遺矣

是故易者象也象也者像也

本義易卦之形理之似也干氏合升曰言是故又總結上義也愚謂

承上起下之辭

彖者材也爻也者效天下之動也

本義彖言一卦之材效放也

是故吉凶生而悔吝著也

本義悔吝本微因此而著此第三章

辭論人事之悔吝至吉凶而始著蓋卦爻辭无非所以明失得之報欲人觀象玩辭之際知有悔心而不吝於改過庶幾有吉而无凶耳愚謂吉凶悔吝只宜平講是故二字乃結辭也

陽卦多陰陰卦多陽

本義震坎艮為陽卦皆一陽二陰巽離兌

奇即奇為主是為陽卦二奇一耦即耦為主是為陰卦

其故何也陽卦奇陰卦耦

本義凡陽卦皆五畫凡陰卦皆四畫

耦之畫每卦雖各得其三而合之則為六乾坤合為六震巽合亦六坎離合亦六艮兌合亦六通符老陰掛拂之用數總

之則四六二十四畫而成老陰過揲之數若無與於老陽之數矣然以陽卦五畫陰卦四畫觀之奇耦之合又皆老陽卦亦九之用數故乾坤合為九震巽合亦九坎離合亦九艮兌合亦九悉數之實成三十六而為老陽過揲之數焉此乾坤用九用六其數默見於卦畫之可推者如此雖出於偶然其實莫非自然之妙也豈可以人力參哉愚謂聖人用大衍之數成卦爻之象觀雙湖此條可悟其大略矣又按乾卦內外六書其畫最少二女從父之卦其畫七三男從父之卦其畫八三女類聚之卦其畫亦八男女配合之卦其畫九三男類聚之卦其畫十二女從母之卦其畫亦十三男從母之卦其畫十一坤卦內外十二畫其畫最多此周正建子以純陽之卦為六月純陰之卦為十二月蓋本諸義皇而與卦畫相合者也

其德行何也陽一君而二民君子之道也陰二君而一民小人

之道也

宋義君謂陽民謂陰。此第四章雲峯胡氏曰論其故則陽卦五畫陰卦四畫陽與陰一定之分固如此論其

德行則陽為君陰為民陽為君子陰為小人易之扶陽抑陰又如此

易曰憧憧往來朋從爾思子曰天下何思何慮天下同歸而殊

塗一致而百慮天下何思何慮

本義引咸九四爻辭而釋之言理本无二而殊塗百慮莫非自

然何以思慮爲哉必思而從則所從者亦狹矣語錄所謂天下何思何慮正謂雖萬變之紛紜而所以應之各有定理不假思慮而知也西山真氏曰按上蔡對程子曰天下何思何慮答曰是則是有此理賢却發得太早在豈非何思何慮非學者所可逮及要必由思而入歟

日往則月來月往則日來日月相推而明生焉寒往則暑來暑

往則寒來寒暑相推而歲成焉往者屈也來者信也屈信相感

而利生焉

本義言往來屈信皆感應自然之常理加撞觸焉則入於私矣所以必思而後有從也語錄此一段承上

文撞觸往來而言往來者人所不能无者但撞觸則不可張子曰屈信相感而利生焉感以誠也情偽相感而利害生焉

釋以
低也

尺蠖之屈以求信也龍蛇之蟄以存身也精義入神以致用也

利用安身以崇德也

本義因言屈信往來之理而又推以言學亦有自然之機也精研其義至於入神屈

之至也然乃所以爲出而致卑之本利其施用无適不安信
之極也然乃所以爲入而崇德之資內外交相養互相後也
正蒙精義入神事豫吾內求利吾外利用安身素利吾外致
養吾內章蘆吳氏曰夫子既以屈信二字釋往來之相感復
以物理之屈信聖學之屈信言之而廣其意尺蠖不屈則其
行不能信既信而再行則又屈也龍蛇不蟄則其來歲之身
不能奮既奮於來歲則又蟄也此物理之屈信相感也義理
精明則應物自定而神不外馳入者无出內之屈也而乃所
以致極其外之用屈之感信也日用宜利則每事曲當而身
之所處隨寓而安外之信也而乃所以增崇其內之德信之
感屈也此聖學
之屈信相感也

過此以往未之或知也窮神知化德之盛也

本義下學之事盡力於精義利用而

交養互發之機自不能已自是以上則亦无所用其力矣至
於窮神知化乃德盛仁熟而自致耳然不知者往而屈也自
致者來而信也是亦感應自然之理而已張子曰氣有陰陽
推行有漸爲化合一不測爲神此上四節皆以釋成九四爻
義虛齋蔡氏曰未之或知者不容於有思不客於有爲也神
以存主處言化以運用處言其始有待於思爲則曰精義利
用其終无待於思爲則曰窮神知
化所造有淺深理則无精粗也

易曰困于石據于蒺藜入于其宮不見其妻凶子曰非所困而

困焉名必辱非所據而據焉身必危既辱且危死期將至妻其

可得而見邪

本義釋困六三爻義誠齋楊氏曰君子有不幸之困無以致之在陳畏匡是已故名不辱而身不危

小人无幸免之困爲不善以致之以其非所據而據是以非所困而困尙可得而保其名保其身保其家保其妻子乎

易曰公用射隼于高墉之上獲之无不利子曰隼者禽也弓矢

者器也射之者人也君子藏器於身待時而動何不利之有動

而不括是以出而有獲語成器而動者也

本義括結礙也此釋解上六爻義語錄公

用射隼孔子自是發出言外意

子曰小人不恥不仁不畏不義不見利不勸不威不懲小懲而

大誡此小人之福也易曰履校滅趾无咎此之謂也

本義此釋噬嗑初九

爻義厚齋馮氏曰不以不仁爲耻故見利而後勸於爲仁不以不義爲畏故畏威而後懲於不義愚謂勸字泛言樂爲之

意郭氏京謂本作動字者非也

善不積不足以成名惡不積不足以滅身小人以小善爲无益而弗爲也以小惡爲无傷而弗去也故惡積而不可掩罪大而不可解易曰何校滅耳凶

本義此釋噬嗑上九爻義廣川董氏曰積善在身猶長日加益而人不知也積惡在身猶火之銷膏而人不見也融堂錢氏曰積字宜玩凡善惡未有不由積而成也誠齋楊氏曰夫子釋噬嗑初上之辭謂懲惡在初改過在小

子曰危者安其位者也亡者保其存者也亂者有其治者也是故君子安而不忘危存而不忘亡治而不忘亂是以身安而國家可保也易曰其亡其亡繫于苞桑

本義此釋否九五爻義草廬吳氏曰自處於危者乃

自安其位之道也九五否將休矣而不忘戒懼如此蓋於安存治之時而能不忘危亡亂之禍是以身之位得以安而國

家可保其久

存長治也

子曰德薄而位尊知小而謀大力小而任重鮮不及矣易曰鼎

折足覆公餗其形渥凶言不勝其任也本義此釋鼎九四爻義誠齋楊氏曰聖人亦豈

責天下之人皆德厚而不薄皆知大而不小皆力多而不少哉亦責其貪位而不量已過分而不勝任以至覆人之餗敗

已之身爾

子曰知幾其神乎君子上交不諂下交不瀆其知幾乎幾者動

之微吉之先見者也君子見幾而作不俟終日易曰介于石不

終日貞吉介如石焉寧用終日斷可識矣君子知微知彰知柔

知剛萬夫之望本義此釋豫六二爻義漢書吉之間有凶字語錄知微知彰知柔知剛是四件事張子曰幾

者象見而未形者也形則涉乎明不待神而後知也雙湖胡氏曰豫六二爻惟曰介于石不終日貞吉而夫子發明幾學

以教人蓋介有幾義祁寬謂至纖至細處者深為得之上交謂五下交謂初惟當豫時不諂不瀆不沉溺於豫此其所以

為知幾也覃虛吳氏曰彥生得免申白之禍者能見幾而作也劉柳竟陷怀文之黨者不能見幾而作也

子曰顏氏之子其殆庶幾乎有不善未嘗不知知之未嘗復行

也易曰不遠復无祗悔元吉本義庶幾近意言近道也此釋復初九爻義愚謂殆是語辭不必作

危字解程氏附錄加顏子地位豈有不善所謂不善者只是微有差失才差失便能知之知之便更不萌作顏子大率與

聖人皆同只這便有分別曾子三省只是緊約束顏子便能三月之久到這地位工夫尤難直是峻絕又大段着力不得

張子曰知不善未嘗復行不貳過也

天地絪縕萬物化醇男女構精萬物化生易曰三人行則損一

人一人行則得其友言致一也本義絪縕交密之狀醇謂厚而凝也言氣化者也化生形化者

也此釋損六三爻義語錄致一是專一之義天地男女都兩箇方得專一若三箇便亂了

子曰君子安其身而後動易其心而後語定其交而後求君子

脩此三者故全也危以動則民不與也懼以語則民不應也无

交而求則民不與也莫之與則傷之者至矣易曰莫益之或擊

之立心勿恒凶

本義此釋益上九爻義○此第五章郭氏京曰

曰身順道則安悖道則危心无險破則易有險破則懼以義

相與爲交定以利相與爲无交動而與語而應求而與者物

我一心而无間之者也小人反身獨言莫之與則傷之者至

矣以益之上九專利自益故也雲峯胡氏曰上繫七爻下繫

十一爻皆象

傳之交言也

子曰乾坤其易之門邪乾陽物也坤陰物也陰陽合德而剛柔

有體以體天地之撰以通神明之德

本義諸卦剛柔之體皆以乾坤合德而成故曰乾坤

易之門撰猶事也荀氏易解陰陽相易出於乾坤故曰門雲

峯胡氏曰其初也陰陽分而爲兩儀陰陽之合則爲四象八

卦而剛柔於是乎有體顯而天地之撰微而神明之德皆自

乾開其始而坤成其終故曰乾坤易之門愚謂此節贊文王

序卦體天地之撰通神明之德其

功用同於伏羲非論羲皇卦畫也

其稱名也雜而不越於稱其類其衰世之意邪

本義萬物雖美

之變故卦爻之義雖雜出而不差繆然非上古淳質之時思

慮所及也故以爲衰世之意蓋指文王與紂之時也荀九家

易名謂卦名陰陽雖錯而卦象各有次序不相踰越進齊徐氏曰上古之世俗朴民淳迷於吉凶之途而莫知所趨故伏羲畫卦以教之占而吉凶以明斯民由之而无疑也雖乾陽坤陰剛柔交錯顯而體天地之撰微而通神明之德然剛勝則吉柔勝則凶亦未嘗贅辭也中古以來人心變詐迷謬愈甚文王周公於是繫卦爻之辭稱各辨物稽類考占以開示陰陽之義易之道雖无餘蘊而聖人憂患後世之意蓋亦有不得已焉者故下文又申言之愚謂其稱名也雜而不越言周易卦序不同先聖名雖似雜而實無違越也於稽其類言繫辭中事物之類稽類考占乃因世變而爲之故危詞亦在所不免也

夫易彰往而察來而微顯幽開而當名辨物正言斷辭則備矣本義而微顯恐當作微顯而開而之而亦疑有誤進齋徐氏曰往謂陰陽消長剛柔變化卦爻所藏者易皆著而明之故曰彰往來謂吉凶未定事之方來者占筮中所告可以前知故曰察來顯者微之使求其原故曰微顯幽者闡之使見其端故曰闡幽當名謂父子君臣之分貴賤上下之等各當其位也辨物謂乾馬坤牛離火坎水碩果莧陸之類悉辨其似也正言謂元亨利貞直方大之類正其言以曉人也斷辭謂利涉大川不利涉大川可小事不可大事之語有以決其疑

也雲峯胡氏曰當各辨物正言斷辭後天之易也視
先天則爲備矣愚謂此贊周易之繫辭明吉凶也

其稱名也小其取類也大其旨遠其辭文其言曲而中其事肆

而隱因貳以濟民行以明失得之報

本義肆陳也貳疑也。此第六章多闕文疑字不可

盡通後皆放此進齋徐氏曰負乘往來事各之小者也茅棘
禾雜物各之小者也所稱雖小而其所取之類皆本於陰陽
非稱名也小取類也大乎旨謂所示之理文謂經緯錯綜也
極天下之賾凡天地陰陽道德性命之奧象皆示之而其所
繫之辭經緯錯綜皆有自然之文非其旨遠其辭文乎曲委
曲也凡委曲其文者未必皆中乎理易則言雖曲而无不中
也肆陳也凡敷陳其事者无有隱而不彰易則事雖肆而其
理未嘗不隱也貳疑也報猶應也失得之報吉凶之應也因
民之疑貳而決其疑以濟其所行有以明著其吉凶之應也
錢湖胡氏曰此一節上六句皆是抑揚說易書所載名雖小
而類則大旨雖遠而辭則文言雖曲而理則中事雖肆而理
則隱正與書直而溫寬而栗等語意同此章專論乾坤爲易
之門六十四卦之所從出乃易之關鍵也其究則无非所以
斷民疑明吉凶之報耳愚謂此又總結上文如噬嗑頤之類
稱名雖小而或示以利用獄之象或示以養貞吉之理取類
則大不但如飛鳥遺音爲象辭稱名之小竟陸夫夫爲爻辭

稱名之小也由其旨遠故能辭文其言曲而中二句申明彰往察來微顯闡幽之意末則歸重教民卜筮凡吉凶悔吝之占靡不驗也

易之興也其於中古乎作易者其有憂患乎

本義夏商之末易道中微文王拘於

羑里而繫彖辭易道復興愚謂此贊文王六十四卦之序與文周所繫之辭也爻辭亦周公居東時所作語錄聖人論處憂患偶然說此九卦意思自足若更添一卦也不妨更不說一卦也不妨且易中儘有處憂患底卦非謂九卦之外皆非所以處憂患也若以困為處憂患底卦則屯蹇非處憂患而何觀聖人之經正不當如此後世拘於象數之學乃以為九者陽數聖人之舉九卦合此數也尤泥而不通矣否氏家杰曰憂患二字乃吉凶同患意民志未通務未成聖人切切然為天下憂患之於是作易故易皆處憂患之道

是故履德之基也謙德之柄也復德之本也恒德之固也損德

之修也益德之裕也困德之辯也井德之地也巽德之制也

本義

履禮也上天下澤定分不易必謹乎此然後其德有以為基而立也謙者自卑而尊人又為禮者之所當執持而不可失

者也九卦皆反身修德以處憂患之事也而有序焉基所以立柄所以持復者心不外而善端存恆者守不變而常且久德忿室慾以修身遷善改過以長善困以自驗其力井以不變其所然後能巽順於理以制事變也語錄井有定體不動然水流出去而不窮猶人心有守不動而應變於外則不窮也德之地地是那不動地頭巽為資斧所以多作斷制之象蓋巽之義井順字所能盡順而能入之謂若不見得盡如何可以行權愚謂九卦以履為首巽為終者蓋文王遭讓而甘受美里之囚正有見於上天下澤為君臣之大分也其後閔天之徒求美女奇物善馬以獻紂乃得赦遂獻洛西之地請除炮烙之刑豈非巽以行權之妙用乎

履和而至謙尊而光復小而辨於物恒雜而不厭損先難而後易益長裕而不設困窮而通井居其所而遷巽稱而隱

本義此如書之

九德禮非強世然事皆至極謙以自卑而尊且光復陽微而不亂於羣陰恒處雜而常德不厭損欲先難習熟則易益但充長而不造作困身困而道亨井不動而及物巽稱物之宜而潛隱不露語錄復是一陽生於羣陰之下如幽暗中一點白便是小而辨也井是不可動物事水却可隨所汲而往如道之止體却一定於此而隨事制宜自莫不當所以說井以

辨義并居其所而遷巽稱而隱是巽順恰好底道理有隱而不能稱量者有能稱量而不能隱伏至露形迹者皆非巽之道也巽德之制也巽以行權都是此意進齋徐氏曰自然充長不待施為以求其益也益之道當俟其涵養從容自然有得不可萌欲速助長之心設謂有所安排布置要如何也

履以和行謙以制禮復以自知恒以一德損以遠害益以興利

困以寡怨井以辯義巽以行權本義寡怨謂少所怨尤辨義謂安而能應此第七章三陳九

卦以明處憂患之道語錄禮主卑下履也是那踐履處所行若不由履自是乖戾所以曰履以和行謙又更卑下所以節制乎禮虞氏仲翔曰有不善未嘗不知故自知也恒立不易方故一德也歐陽文忠曰君子者天下係焉一身之損益天下之利害也君子之自損忿慾耳自益遷善而改過耳然而肆其忿慾者豈止一身之損哉天下有被其害矣遷善而改過豈止一身之益哉天下有蒙其利矣梁氏中行曰道始於踐履而終以知權故孔子以可與權為學之至平菴項氏曰凡彖傳之體皆先釋卦名次言兩卦之體末推卦用故此章之序亦然以為觀彖者之法也雙湖胡氏曰三陳九卦自有序次第第一節論九卦之德第二節論九卦之材第三節方論聖人用九卦以處憂患之道故皆以以字明之亦如六十四

卦大象必着一以字以明用易也然文王之聖心與易會居平時處憂患无一非易况演易美里卽身是易豈待逐卦而以之乎夫子亦以其近似者言之而爲萬世學易者法耳雲峯胡氏曰上經自乾至履九卦下經自恒至損益亦九卦上經履至謙五卦下經益至困井亦五卦上經謙至復九卦下經井至巽亦九卦上經自復後八卦而爲下經之恒下經自巽而未濟亦八卦復爲上經之乾上下經對待非偶然者愚謂此章雖贊前聖處憂患之道亦自言其學易寡過之方以示學人也

易之爲書也不可遠爲道也屢遷變動不居周流六虛上下无

常剛柔相易不可爲典要唯變所適

本義遠猶忘也周流六虛謂陰陽流行於卦之六位

思謂遠字訓離字更覺明順語錄易不可爲典要易不是確定硬本子楊雄太玄排定三百五十四贊當畫三百五十四贊當夜畫底吉夜底凶吉凶之中又自分輕重易却不然有陽居陽爻而吉底又有凶底有陰居陰爻而吉底又有凶底有有應而吉底有有應而凶底是不可爲典要之書這箇是有許多變所以如此邵子曰六虛者六位也虛以待變動之事也節齋蔡氏曰自易之爲書至屢遷此總言爲書爲道以起下文之意也自變動不居至唯變所適言易道之屢遷也

不居猶不止位未有爻曰虛卦雖六位而剛柔爻盡往來如
寄非實有也故以虛言或自上而降或由下而升上下无常
也柔來文剛分剛上而文柔剛柔相易也典常也
要約也其屢變无常不可為典要唯變所適而已

其出入以度外內使知懼本義疑又明於憂患與故无有師保

如臨父母

本義雖无師保而常若父母臨之戒懼之至虞氏仲

謂卦爻自內往交於外入謂卦爻自外來居於內度節度也
故謂憂患所以然也言易之為書其出其入皆有度不差或
內或外皆使人知所恐懼而修省也憂患之來既知所處矣
又推其所以然而安於所遇也雖无師保之嚴如臨
父母之側易之書其可親也如此信乎其不可遠也

初率其辭而揆其方既有典常苟非其人道不虛行

本義方道

以度其理則見其有典常矣然神而明之則存乎其人也
此第八章語錄既有典常是一定了占得他這爻了吉凶自
定節齋蔡氏曰此又合書與道而言也雙湖胡氏曰此章專
論玩辭觀變為學易之事而深有望於其人也書者卦爻之
辭也道之屢遷者卦爻之變也此二句一章綱領變動不居
以下言其變也明於憂患以下言其辭也自其變觀之則九

六之爻周流於虛位之間或上或下而無常皆一剛一柔之相易不可為典要而唯變所適然其剛柔之或上而出於外也既足為斯人之法度使知懼於外其剛柔之或下而入於內也亦足為斯人之法度使知懼於內豈徒變之云乎自其辭觀之則明憂患而如父母之臨率辭揆方而有典常之可法而後總之以苟非其人道不虛行則玩辭觀變之學誠有望於其人也聖人之意可見矣愚謂上章說卦義居多此章說爻義居多下章乃統言易書之卦爻

易之為書也原始要終以為質也六爻相雜唯其時物也本義

卦體卦必舉其始終而後成體爻則唯其時物而已錢氏藻

曰六爻相雜唯其時之不同而其事物亦異如乾之取龍一

物也或潛或見或躍或飛之不同者時也如漸之取鴻亦一

物也而于干于貉于陸于木之不同者亦時也進齋徐氏曰

此總言聖人作易所以立卦生爻之義下文又逐爻分說而

申明之也質謂卦體時謂六位之時物謂陰陽二物也原其

事之始要其事之終以為一卦之體質卦有六爻剛柔

錯雜隨其時辨其物言卦雖有全體而爻亦无定用也

其初難知其上易知本末也初辭擬之卒成之終本義此言初

令升曰初擬議之故難知卒終成之故易知本末勢然也章

盛吳氏曰初與終為對擬之與卒成之為對兩句文法顛倒

互相

若夫雜物撰德辯是與非則非其中爻不備

本義此謂卦中四爻語錄先儒解此

多以爲互體如屯震下坎上就中間四爻觀之自二至四則爲坤自三至五則爲艮故曰非其中爻不備互體說漢儒冬用之左傳中說占得觀卦處亦舉得分明看來此說亦不可廢愚謂撰具也雜物撰德辯是與非本言正卦而互體亦包在內至言納甲飛伏則焦京之學而非文王周公孔子之易矣容齋洪氏曰如坤坎爲師而六五之爻曰長子帥師以正應九二而言蓋指二至四爲震也坤艮爲謙而初六之爻曰涉大川蓋自二而上則六二九三六四爲坎也雲峯胡氏曰此承上文六爻相雜而言也六爻本自相雜二三四五於六爻之中又雜物撰德者如屯下震物爲雷德爲動上坎物爲雲德爲險下互坤則雜物爲地撰德爲順矣上互艮則雜物爲山撰德爲止矣亦可以辨是非而易愈備雙湖胡氏曰謂內外卦陰陽二物雜謂自其中四爻雜而互之又自成兩卦之德也故謂之撰是非者當位不當位中不中正不正也內外卦既足以示人矣復自互體而辨之則是是非非於是乎益可見焉草廬吳氏曰內外既有二正卦之體中四爻又成二互卦之體然後其義愈无遺闕非以此正體互體並觀則其義猶有不備正體則二爲內卦之中五爲外卦之中互

體則三爲內卦之中四爲外卦之中故皆謂之中爻愚謂互卦之義詳於卷首圖說但就坎離既未濟四卦觀之坎互長男少男離互長女少女此男女之定位也既濟下離互坎上坎互離未濟下坎互離上離互坎而坎中似厚離中似厚坎此陰陽之互藏也至若少陰交少陰則互成既濟少陽交少陽則互成未濟推之而四象相交爲十六事此加倍之法乃互卦之根也

噫亦要存亡吉凶則居可知矣知者觀其彖辭則思過半矣

本義

彖統論一卦六爻之體章廬吳氏曰噫嘆美辭存亡者陰陽之消息吉凶者事情之得失要其存亡吉凶之所歸則六爻之義居然易見可指掌而知矣又謂知者能見事於未形雖不觀各爻之義但觀卦首之彖辭則所思已得十分之五六矣蓋彖辭或論二體或論卦爻或論卦變相易之爻是以不待觀六爻而已可見也章首第一句言彖第二句總言六爻此一節又總言六爻而復歸重於彖蓋爲結語與章首起語相始終下文則又更端而言中四爻也

御纂折中云彖辭之繫文王蓋統觀六爻以立義者如屯則以初爲侯蒙則以二爲師師則以二爲將比則以五爲君其義皆先定於彖爻辭不過因之而隨爻細別耳其爻之合於卦義者吉不合於卦義者凶夫子彖傳既參錯六爻之義以釋

辭示人卦爻之不相離矣此特指其要而切言之讀易之法莫先於此愚謂卦辭之稱彖辭必有取義字書訓彖為斷其義近似或指彖為野豕能發箭以防身者說甚鄙陋疑彖加竹頭即篆字也唐虞時雖有六十四卦之名未知作何體書文王序卦乃用大彖之體寫卦名於竹簡而各繫以辭故曰彖辭也至周公之爻辭則因上下兩象而每爻各繫以辭故爻辭又稱小象亦非借喻於大力之象也

二與四同功而異位其善不同二多譽四多懼近也柔之為道

不利遠者其要无咎其用柔中也本義此以下論中爻同功謂

近君故多懼柔不利遠而二多譽者以其柔中也郭氏京曰註云懼近也今本誤以近也字為正文近字上仍脫懼字愚謂近也單承四多懼舉此而彼自見交法最妙舊齋許氏曰二與四皆陰位也四雖得正而猶有不中之累況不得其正者乎二雖不正猶有得中之美况正而得中者乎四近君之臣二遠君之臣其勢又不同此二之所以多譽四之所以多懼也

三與五同功而異位三多凶五多功貴賤之等也其柔危其剛

勝邪

本義三五同陽位而貴賤不同然以柔居之則危惟剛則能勝之○此第九章魯齋許氏曰上卦之中乃人君之位

也一爻之德莫精於此在乾則剛健而斷在坤則重厚而順未有或先之者至於坎險之孚誠離麗之文明巽順於理艮篤於實皆能首出乎廢物不問何時克濟大事傳謂五多功者此也獨震忌強輔兌比小人於君道爲未善觀其戒之之辭則可知虛齋蔡氏曰貴賤之等以位言柔危剛勝以九六言愚謂末二句兼三五言六三更劣於九三九五較優於六五也讀此章想見夫子假年學易之功其精密如此

易之爲書也廣大悉備有天道焉有人道焉有地道焉兼三才

而兩之故六六者非它也三才之道也

本義三畫已具三才重之故六而以上二爻爲

天中二爻爲人下二爻爲地誠齋楊氏曰重卦之後則兼三才而兩之是一三才爲兩三才也合爲一卦則陰或居上安知地之不爲天陽或居下安知天之不爲地五爲君則天道爲人道矣二爲臣則地道爲人道矣

道有變動故曰爻爻有等故曰物物相雜故曰文文不當故吉

凶生焉

本義道有變動謂卦之一體等謂遠近貴賤之差相雜謂剛柔之位相間不當謂爻不當位○此第十章蒙陸

彖曰天道有晝夜日月之變地道有剛柔燥濕之變人道有
行止動靜吉凶善惡之變聖人設爻以效三者之變動故謂
之爻進齊徐氏曰卦之全體三才之道也道則變動不居如
潛見躍飛之類皆道之變而謂之爻爻也者效天下之動也
或剛或柔而小大有等故謂之物物即陰陽二物也一不獨
立二則為文陰陽兩物交相錯雜故謂之文陽居陽位陰居
陰位當也陽居陰位陰居陽位不當也吉凶由是而生則可
以觀爻玩占而見其文之著矣愚謂不當者非專指陽居陰
位陰居陽位如剝之上九豫之九四不當位而亦吉以其卦
情本淑也如大壯初九同人六二雖當位而亦凶以其卦情
本慝也總之以得時義者為當失時義者為不當雲峯胡氏
曰前章始以質言此章末以文言卦必舉始終而成體故曰
質爻必雜剛柔以為用故曰文愚謂六爻分天地人於
爻之中又別出物與文之名此孔子贊周易之義例

易之興也其當殷之末世周之盛德邪當文王與紂之事邪是
故其辭危危者使平易者使傾其道甚大百物不廢懼以終始
其要无咎此之謂易之道也（本義危懼故得平安慢易則必傾）

下章當與此章合蓋首乾次坤者文王之易夫乾一節正以
發明其義也語錄易之書於萬物之理無所不具故曰百物

不廢柴氏中行曰非末世則情偽不如是之滋熾也非盛德則易道无自而傳也末世糾之事也盛德文王之事也文王之心憂患天下後世故其辭危懼此因文王危辭而論易道能使如此豈易使之耶殖有禮覆昏暴天之道也雲峯胡氏曰文王以憂患之心作易故其辭危危懼故安平慢易故傾覆易之道雖廣大悉備不過使人懼以終始而已懼以始者易懼以終而猶始者難乾第一卦而曰君子終日乾乾夕惕若厲无咎此懼以終始其要无咎之說也(雙湖胡氏曰夫子原易之作明指伏羲原易之與明指文王可謂萬世之日月獨少一言以及周公之交卒不免後世紛紛之疑難惜哉愚謂崔憬之徒本屬淺識烏足與辨

大乾天下之至健也德行恒易以知險夫坤天下之至順也德行恒簡以知阻(本義至健則所行无難故易至順則所行不繁故簡然其於事皆有以知其難而不敢易以處之也是以有憂患則健者如自高臨下而知其險順者如自下趨上而知其阻蓋雖易而能知險則不陷於險矣既簡而又知阻則不困於阻矣所以能危能懼而无易者之傾也)平菴項氏曰易與險相反惟中心易直者能照天下險惡之情簡與阻相反惟行事簡靜者能察天下繁瑣之機愚謂至健至順是贊乾坤之德德行二句乃言效法乾坤者能易以知

險簡以知阻也此節發明周易首乾坤之義當連上章

能說諸心能研諸侯之慮王輔嗣略例定天下之吉凶成天下

之亶亶者本義說諸心者心與理會乾之事也研諸慮者理因

以成亶亶語錄說諸心有自然底意思故屬陽研諸慮故有

為底意思故屬陰事之未定者屬乎陽定吉凶所以為乾事

之已為者屬乎陰成亶亶所以為坤張子正蒙易簡故能說

諸心知險阻故能研諸慮愚謂朱子分貼陰陽其理雖細但

能說諸心二句當從張子說定天下之吉凶二句又承說心

研慮言不必牽連上文蓋說心研慮辭所由繫也定吉凶成

亶亶者用占而決也

是故變化云為吉事有祥象事知器占事知來語錄變化者陰

者人事之所作息齋余氏曰變化云為吉事有祥不假象占

事而知來如晉文及畢萬所占是也平菴項氏謂此四句卽上繫聖人之道四其先得我心者歟

天地設位聖人成人謀鬼謀百姓與能

本義天地設位而聖人作易以成其功於

是人謀鬼謀雖百姓之愚皆得以與其能語錄人謀鬼謀與洪範之謀及乃心謀及卜筮謀及卿士庶人相似百姓與能却須因著龜而方知得愚謂此節承夫乾以下三節而結言之聖人專指文王與易之興也其當周之盛德此之謂易之道也脉絡貫通

八卦以象告爻象以情言剛柔雜居而吉凶可見矣

本義象謂卦畫爻象

謂卦爻辭雲峯胡氏曰以象告者先天之易也以情言者後天之易也剛柔雜居而吉凶可見上古觀之於象可見後世非爻象以情言不可也愚謂此節言文周之設卦觀象繫辭與夫著數之用九用六也下節詳言繫辭明吉凶之法

變動以利言吉凶以情遷是故愛惡相攻而吉凶生遠近相取

而悔吝生情僞相感而利害生凡易之情近而不相得則凶或

害之悔且吝

宋義不相得謂相惡也凶害悔吝皆由此生程氏保曰遠謂應與不應近謂比與不比或取遠應而

舍近比或取近比而舍遠應由此遠近相取所以生悔吝於
繫辭矣平菴項氏曰上文言剛柔雜居而吉凶可見則象之
所以示人者明矣變動以利言吉凶以情遷此再言辭之論
人者殊也是故愛惡相攻以下皆言吉凶以情遷之事而以
六爻之情與辭明之吉凶悔吝利害之三辭分出於相攻相
取相感之三情而總屬於相近之一情此四相者爻之情也
下六辭者爻之辭也又云近而不相得則以惡相攻而凶生
矣以偽相感而害生矣不以近相取而悔吝生矣是則一近
之中備此三條也凡爻有比爻有應爻有一卦之主爻皆情
之當相得者也今稱近者止據比爻言之反以三隅則遠而
爲應爲主者亦必備此三條矣進齋徐氏曰易道變動開物
成務以利言也而卦爻之辭有吉有凶以其情之有所遷耳
愛惡相攻如訟九四不克訟復卽命以與初相愛也謙六五
利用侵伐上六利用行師以與九三相愛也同人九三伏戎
于莽惡九五也九五大師克相遇惡三四也遠近相取如姤
九五以杞包瓜上九姤其角遠取初六也解六三負且乘近
取二凶也豫六三盱豫近取九四也情偽相感如中孚九二
鳴鶴在陰以情感乎五也屯六四求婚媾往以情感乎初也
蒙六三見金夫不有躬以偽感乎二也漸九二夫征不復婦
孕不育以偽感乎四也凡此皆以情遷者也雙湖胡氏曰變
動卽上文爻有變動是已以利言者爻之變動本皆教人趨
吉避凶而歸於利耳然不免吉凶殊分者由情而遷也情有

善有不善善則遷於吉不善則遷於凶至是不能皆歸於利矣是故以下愛惡遠近情偽所謂情也相攻相取相感遷之由也吉凶悔吝利害總名之曰吉凶也愛惡相攻因於遠近相取遠近相取因於情偽相感者情之始交利害之開端也相取者迹之已著悔吝之途分也相攻則事之已極吉凶之不可移也此三言皆吉凶以情遷之事凡易之情以下獨舉近者總言之近而相取其情乃不相得此必其初之以偽相感終至於惡而相攻是以凶耳既至於凶其於害悔吝可知矣卽此一條備三者而明之大要欲人警省悔心生而吉利隨之終歸夫變動之利不墮於情遷之凶易之道固如此也草廬吳氏曰爻象以情言象與爻皆言情也吉凶以情遷則情專屬爻而不及象何也蓋變動以利言利亦自情而生也象亦有情爻亦有利互文也蓋變動以利害言利亦自情而生也相取則愛相攻情相感近相取爲相得矣不相得則凶害悔吝其相得則吉利悔亡无悔无咎從可知也夫子之已言者三其未言者三總之凡六條然此據近之比爻而言若遠之應爻及主爻亦各當備六條總之爲十八條作傳聖人以此該括易之辭情至爲精密而諸家註釋惟項氏能究其底蘊焉愚謂項氏解本節義極明晰以下節六辭爲爻之辭說猶未允

邵纂折中云愛惡相攻由於時遠近相取由於位情偽相感由於德所謂相攻相取相感者皆以此應言之義尤完備

將叛者其辭慙中心疑者其辭枝吉人之辭寡躁人之辭多誣
善之人其辭游失其守者其辭屈謂此朱子未定之說故語錄
云八卦以象而後說得叢雜不知如何此第十二章選齋
徐氏曰叛背叛也背叛正理其中有嫌則發於辭自然慙作
也枝如水之有枝開兩岐疑者可否未決則其辭不直截成
兩岐也誣善者謂謗善為惡言語不實如物在水上浮游不
定失其守者見理不定無所操執其辭多屈而不伸也言心
之聲由乎中而見乎外孟子諉諛邪遁一章意亦如此厚齋
馮氏曰六辭與易全不相關恐斷簡錯見於此或曰諸如此
類易各準其情而為辭然誣善失守恐不入卦爻王介甫曰
易之辭必不慙枝游屈也息齋余氏曰上繫以默而成之不
言而信存乎德行為結下繫以諸辭之不同者為結義相發
也吉人辭寡其默成之次歟張氏振淵曰此節即人之辭以
情遷者驗易之辭以清遷也愚謂如我說以易之與也一節
為章首則八卦以象告兩節已足申明此之謂易之道矣此
六辭又承其辭危句而類及之蓋能因辭而心通易道不惟
聖人之情見乎辭即常
人之情莫不見乎辭也

陸堂易學第八卷終